

DISSERTATIO
MEDICO-PRACTICA
INAUGURALIS
DE
VOMITU.

QUAM,

ANNUENTE DEO TER OPT. MAX.

Ex Auctoritate Magnifici Rectoris,

D. ADRIANI VAN ROYEN,

MEDICINÆ DOCTORIS, EJUSDEMQUE FACULTATIS

UT ET BOTANICES IN ACAD. LUGD. BAT.

PROFESSORIS ORDINARIJ.

NEC NON

*Amplissimi SENATUS ACADEMICI Consensu,
& Nobilissimae FACULTATIS MEDICÆ Decreto,*

PRO GRADU DOCTORATUS,

Summisque in MEDICINA Honoribus & Privilegiis
rite ac legitime consequendis,

Eruditorum Examini submittit

PETRUS JOSSELET, Dordraco-Batavus.

Ad diem 4. Maji 1742. horâ locoque solitis.

LUGDUNI BATAVORUM,
Apud GEORGIIUM WISHOFF, 1742.

V O L U M E I

ADRIAN VAN KUTER

RECTOR, THEOLOGICAL SEMINARY

AMSTERDAM, 1874

V I R O I N T E G E R R I M O

D. D. HENRICO JOSSELET,

APUD DORDRACENSES MERCATORI SA-
GACISSIMO, PATRI SUO CHARISSIMO,
OMNI FILIALI AMORE ET OBSERVANTIA
AD ROGUM USQUE COLENDO, OBSER-
VANDO.

*Hanc Dissertationem ut & se
ipsum summa animi
demiſſione*

D. D. D.

PETRUS JOSSELET.

LIBRARY OF THE
BIBLIOTHEQUE
NATIONALE

DEPARTMENT OF
MANUSCRIPTS
AND
COPIES
OF
THE
FRENCH
REPUBLIC

U T I M O V

THE
LIBRARY
OF
THE
FRENCH
REPUBLIC
DEPARTMENT
OF
MANUSCRIPTS
AND
COPIES



DISSERTATIO MEDICO-PRACTICA

INAUGURALIS

DE

VOMITU.

§. I.



Olestissimis & frequentissime occurrentibus pathematibus merito annumeratur *Vomitus*, qui Medicis audire solet *violenta per os expulsio*, primo eorum, quæ œsophago, ventriculo, dein intestinis, & tandem etiam visceribus eo sese evacuantibus continebantur.

§. II. Distinguitur *Vomitus* in artificialem, ope Emeticorum exhibitorum excitatum, & naturalem, (si ita nominare liceat) sine vomitoriis usurpatis contingentem, de qua ultima specie tantum agere nobis proposuimus.

A 3

§. III.

§. III. Naturalis (§. 2.) rursus dividitur (α) in Idiopathicum, cujus causa in ventriculo sedem habet; (β.) in sympathicum, cujus causa aliis partibus inhærens in stomachum defertur, aut eum in consensum trahit; (γ) in symptomaticum, nullum ægro levamen afferentem; (δ) in criticum, materiem morbosam evacuantem, insequente morbi vel magna imminutione, vel integra ablatione.

§. IV. *Vomitum* antecedere sæpius solent prostratio appetitus, fastidium cibi potusque, molestissimus sub scrobiculo cordis sensus tensivus, gravans, mordens, urens; laticis salivalis, muci oris, faucium patrumque vicinarum, largior excretio; quod phœnomenum *Seni Venerando* jam observatum, & adnotatum invenitur in *Coacis Prænotionibus* p. m. 208, ubi dicit, *qui vomituri sunt; prius illi salivant.* Quibus incrementibus oritur anxietas circa præcordia, inquietudo, dyspnœa, cardialgia aliquando molestissima: hisce frequentius junguntur capitis dolor gravativus, tensivus, scotomiæ, pallor faciei, quandoque rubor, labii inferioris tremor, nausea h. e. irritus vomendi conatus cum ideâ horroris; explosio materiæ flatulentæ, elasticæ, saporis odorisque ingrati, diversi, tandem subinde parca liquidi copia in fauces ejici solet.

Hæc molimina alternatim repetentia eo usque incrementis augentur, ut tandem succedat vomitus materiæ variæ, pro ejus duratione, vehementia, diversa saburræ humorumque in primis viis præsentia, constitutione &c.

§. V.

§. V. Jam instituti ratio exigit, ut causas Eme-
seos proximas breviter inquiramus, quæ in duas
classes facilioris intellectus gratiâ dividi posse vi-
dentur, quarum prima causas in ventriculo, oeso-
phago & intestinis, altera in partibus vicinis cir-
cumjectis positas continent.

§. VI. Primæ classis (§. 5.) causa ventriculo in-
hærens videtur esse perversus motus peristalticus,
qui in statu naturali, ab ore ventriculi superiori len-
ta & successiva fibrarum muscularium contractio-
ne versus pylorum, & hinc porro per intestino-
rum tractum, deduci solet, jam autem a pyloro
itinere plane contrario versus Cardiam convulsi-
ve tendit, quo cavitas stomachi multum immi-
nuitur, contrahitur, ejus contenta valide premun-
tur versus orificium sinistrum, eoque aperto in oe-
sophagum expelluntur, cujus, ut & faucium, fi-
brarum muscularium convulsivâ contractione ac-
cedente ulterius propelluntur, & sic novâ vi ad-
ditâ per os satis violenter expelluntur. si autem
Vomit sit violentior protractiorque, Intestino-
rum tenuium, saltem duodeni, motus vermicularis
inversio accedere videtur, quâ eorum contenta
naturaliter versus saccum Coeci deferri solita in
ventriculum retro aguntur.

§. VII. Secundæ Classis (§. 5.) causæ censen-
tur convulsivæ contractiones muscutorum abdo-
minalium, qui sunt Obliqui externi, Obliqui in-
terni, Transversi, Recti abdominis, Pyramida-
lesque, in vomitu (ut quotidiana experientia ad
oculum docet) abdomen summa vi intro premen-
tes,

tes, constringentes, hinc abdominis cavitatem multum imminuunt, viscera ejus, hinc & Ventriculum maxime comprimunt, ejus parietes ad se invicem propius adducunt, ejusque motu antiperistaltico convulsive simul agente contentorum per superiora expulsionem summopere adjuvant. An autem Diaphragma simul cum dictis musculis in convulsionem rapiatur, disputatur inter Doctos, quorum plurimi hoc affirmant, quoniam autopsia illud in canibus vomentibus apertis demonstrare videatur, & sic vomitus optime explicari possit, cum hac ratione contentorum ventriculi, secundum hanc opinionem, inter Diaphragma & musculos abdominales convulsos, tanquam intra prelum positi, valida versus superiora ejectio facillime intelligatur; Alii hoc negant adserentes maxime dubium esse, an hocce ex convulsione nervorum aliorum abscissorum, dilaceratorum, irritatorum, in Diaphragma per consensum delata oriatur; urgent porro musculorum abdominalium quinque paria fortiter convulsa, ipsis videri obesse Diaphragmatis spasmus, & eum in animalibus vivis sub actu vomitus apertis observari ob abdominalium musculorum dissecatorum resistantiam, & actionem pro maxima parte imminutas. Quid proprie obtineat, altiori ingenio præditi determinandum relinquo.

§. VIII. Spasmodicam musculosæ ventriculi tunicæ constrictionem, a pyloro versus cardiam vi satis valida agentem in vomitu obtinere, immo vel solam absque partium circumjectarum auxilio eum pro-

producere posse per experimenta in vivis animalibus, post assumptum emeticum, apertis, capta docuit Celeb. *Wepferus in Histor. Cicut. aquat. Cap. 15. p. m. 281. & Cap. 8. p. m. 112.* Hinc vomitum duplici modo fieri, quibusdam placet, vel per causas primæ Classis (§. 6.) solas, ut in experimentis Wepferi mox citatis; vel per causas primæ & secundæ Classis (§. 7.) conspirantes, simulque unitâ vi agentes; sed rarissime priori modo vomitum observabis, nec nisi in paucissimis Emeticis, ventriculo modice repleto, cæterum fere semper musculos abdominales convulsive motos reperies.

§. 9. Convulsivæ partium (§. 6. & 7.) indicationum contractionis Causa proxima videtur esse violentior spirituum per nervos in fibras harum partium musculares influxus & determinatio.

§. X. Investigatis breviter Causis Vomitus proximis, ad remotas accedimus, quæ sunt omne illud, quod extendendo, premendo, irritando nervos ventriculi, partes (§. 9.) aut facile convellenda viscera stimulat, sive Causa illa vellicans iis immediate applicata sit, sive aliis partibus ope nervorum iis communicantibus.

§. XI. Inter remotas referuntur I°. Esculenta & potulenta quæcunque nimia copia ingesta, præsertim majores solidorum boli nimis festinanter devorati; hisce enim Ventriculi fibræ maxime gravantur, & in convulsivum rapiuntur motum, ut materiem sibi molestant excludant, hinc qui nimium Baccho & Ventri indulgent, toties inter

B

sym.

symposia & Comestiones, intemperantiæ suæ poenas luunt. II. Ingesta qualitate peccantia, qualia sunt nimis oleosa, pingua, viscosa, indigestilia, acria in subjectis tenerioribus, sensilioribus. III°. huc refer Venena.

§. XII. Huc pertinent variæ in ventriculo Saburræ, ut est I°. Saburra pituitosa, glutinosa, mucosa in ventriculo fluctuans, quæ in filamenta sæpe divisa irritando nervorum papillas interioris stomachi tunicæ, eum in spasmum sollicitat. Hæc *Causas habet antecedentes farinosa cruda, austera immatura, inopiam boni sanguinis, debilitatem Vasorum, viscerum, bilis, imminutum motum animale, dissipationem liquidioris per laxata Vasa secermentia, retentionem crassioris debilitate instrumentorum excernentium.* ut habetur *Aphor. 69.* Divi Boerhaavii quondam Præceptoris mei æstimatoris.

II°. Saburra acida magna copia collecta, sua acedine irritando ventriculum aliquando in Vomitum rapit; Hæcce causa frequentius in infantibus obtinet, in quorum stomacho lac suam sæpe sequens naturam acidum fit, & hinc coagulatur, compingitur in unam massam gravem, acremque, quæ sensim acrior, acidiorque facta, lacti ingesto labem communicat, totam tenellorum oeconomiam turbat, & inter plurima symptomata Emesin producit. Vide *Boerhaavium Aph. 1354. & 1355.*

III°. Saburra acris putrida, oleosa rancida, biliosa, vario modo & gradu corrupta, ut est vitellina, porracea, æruginosa, isatodes, in febribus con-

continuis sæpe vomitus caussa existit.

IV^o. Materiei Atrabiliariæ per quamcunque causam in motum deductæ in ventriculi cavum depositio, cui in summum ferocitatis gradum evectæ nunc acrimonia acerrima acida, cum terrâ fermentans, metalla rodens, nunc acrimonia alcalina salina, aut oleosa putrefacta juncta est.

V^o. Vermes varii generis in ventriculo hospitantes, qui rependo, rodendo, terebrando vomitum producant.

VI^o. Sanguinis ex ventriculi vase quomodocunque aperto in ejus cavum effusio, qui vel quantitate, vel putrida acrimonia, si diutius stagnaverit, vomitui ansam dat.

§. XIII. Ventriculi inflammatio diræ Emeseos sæpe caussa existit, cui si succedat suppuratio, vomitam vel tectam vel apertam producens, vomitui chronico causa nata est: vomica enim clausa pus retentum acre fit, vicina consumit, erodit, vellicat, & hinc fibras stomachi in spasmos irritat: vomica autem versus cavum ventriculi rupta, materies purulenta in illud effunditur, quæ si morâ acrior, putrida evaserit, similia producit; præterea si pars illa ulcerosa aperta ab acri attingatur, aut per ingesta extendatur, nemo non videt facile vomitum induci. Gangræna autem & Necrosis ventriculi inflammationi superveniens huc referenda, ut & scirrhi cancrique varias stomachi partes obsidentes.

§. XIV. In morbis contagiosis, Epidemicis, ut Variolis, Morbillis, febribus malignis, pestilentia-

libus, ac exanthematicis initio sæpe vomitus gravissimi observantur; quoniam miasma per salivam, ut videtur, in ventriculum delatum ejus partes nervosas, & vascula obsidere in initio videtur, inque iis primam tragoediæ scenam ludere, immo ibi frequenter topicas excitare inflammationes; unde observant Practici, quod in peste vomitus plerumque cesset, ubi per superficiem corporis externam apertam larga sudorum, hinc & materiei venenatae expulsio fit. Hinc ubi in morbo vario-
loso pustulae efflorescunt, vomitus plerumque sublatus observatur, quoniam acre illud *δειον τι* prius ventriculo insinuat, ad corporis superficiem determinatum, depositum est.

§. XV. Vomitus sæpe funestus oritur, ubi materia arthritica, podagrica versus membra, aliasque partes minus nobiles deponi solita, a quacunque causa retinetur & in ventriculi vascula defer-
tur, vel ubi eadem jam in loca sibi propria delata retropellitur per applicationem incautam narcoticorum, refrigerantium, constringentium, incrassantium; hinc quam providus in hisce Medicus esse debeat intelligitur.

§. XVI. Vomitus rariores causas aperta docuerunt cadavera, quales sunt duplex ventriculus, Ductus cholidochi vitiosa in ventriculum, vel nimis prope pylorum insertio; Pylori cavum nunc fere integre, nunc plane abolitum a tumoribus scirrhis, steatomaticis, nummis deglutitis, co-
litu, occalescentia cartilaginea. Has & plures alias causas in cadaveribus detectas ex observato-
ri-

ribus congeffit Clar. *Bonetus in Anatom. Pract. Tom. 2. Libr. 3. Sect. 8.*

§. XVII. Jam videamus quænam in aliis partibus hærentes causæ vomitum producant, quarum præcipuas tantum indicabimus, ne hæ pagellæ nimium increfcant. Huc redigi merentur;

I^o. Quæcunque intestina lacefcunt & in fpasmos irritant, qualia funt (§. 12.) recensita; hæc enim intestinorum motum vel invertere, vel ventriculum mediantibus membranis & nervis communibus in consensum trahere possunt, hinc doloribus Iliacis, colicis, toties vomitus supervenit.

II^o. Quæcunque intestinorum cavum vel maxime imminuunt, vel integre tollunt, & hinc transitum chylosæ & fæculentæ materiæ impediunt; hæc enim collecta, stagnando sensim acrior redditur, & tam copia quam stimulo intestinorum motum peristalticum invertere videtur, quo contenta eorum, præsertim si accedat musculorum abdominalium convulsio, versus superiora minus resistunt, & tandem in ventriculum propelluntur, qui tunc similiter irritatur. Multiplices autem tales causæ habentur, quæ sub titulo passionis iliacæ passim apud Auctores recensentur.

§. XVIII. Inter causas remotas numerantur.

I^o. Inflammationes Oesophagi, viscerum fere omnium abdominalium & partium circumjectarum, ut intestinorum, jecoris, pancreatis, lienis, mesenterii, omenti, renum, ureterum, vesicæ, diaphragmatis: irritatio enim harum partium facile communicatur ventriculo: præterea hisce partibus

inflammatione correptis a ventriculo impleto fit pressio, irritatio, unde in convulsiones aguntur, quæ ventriculum in consensum rapiunt, qui mirus est inter viscera abdominalia, partim dependens a nervorum communicatione, consensu, partim a membranarum exteriorum continuatione: docent enim Anatomici omnia fere viscera abdominalia extimam membranam agnoscere unam eandemque continuatam a peritonæo derivandam, hinc mirus viscerum abdominalium inter se, præsertim autem cum ventriculo nervosissimo consensus.

IIo. Abscessus imprimis aperti pancreatis, mesenterii, hepatis, intestinorum, &c., qui partim pressione, præcipue autem matièrei purulentæ, saniosæ, amurcosæ in cavum intestinorum defluentis, & sæpe in ventriculum regurgitantis, irritatione vomitum producant.

IIIo. Earundem partium scirrhi, ut & cancri tam occulti quam præsertim ulcerati, materiem saniosam, subtilem, acerrimam, foetidam, cadaverosam, rodentem fundentes: huc refer tumores quoscunque partium ventriculo vicinarum.

IVo. Calculi renum, ureterum, vesicæ felleæ.

§. XIX. Varias capitis & encephali læsiones, morbos sequitur vomitus; sic Phrenitidem sæpe comitatur æruginosus, vulnera, contusiones capitis & cerebri biliosus. *Hippocr. Sect. 6. Aph. 50. quibus perscissum fuerit Cerebrum, his necesse est febrem & bilis vomitum supervenire.* Immo dolores vividi, & convulsivi aliarum partium motus, sæpe vomitum sympathicum per nervorum consensum pro-

producunt, hinc in multis operationibus chirurgicis, ut depositione cataractæ, aliisque vomitus sæpe oritur.

§. XX. Vomitus producere valent, quæcunque inordinatum liquidi nervosi motum excitant, ut sunt I^o. Paroxyfmi Hyfterici, Hypochondriaci. II^o. Animi affectus imprimis calidi, ira, excandescencia, qui vomitus biliosæ vario modo corruptæ materiæ sæpe producunt. III. Agitationes infuetæ, per navigationes, vectiones in curru, præsertim inversas; concussiones, circumgyrationes; hinc si Domicellarum delicatularum fedile agites ipsis vertiginem, nauseam, si pergas, vomitus produxeris; causa quandoque levissima spiritus turbando Emeticum evadit, sic sola pulveris Tabaci in nares subtractio, in debilibus sexus amabilis subjectis non assuetis, sæpe spirituum motum ita perturbat, ut sequatur vomitus. Innumeræ fere causæ habentur quæ spirituum motum turbando in debili, & facillime mobili genere nervoso præditis subjectis, vomitus producunt, quorum enumerationi non immorabor, ne L. B. fastidium moveam.

§. XXI. Graviditas inter causas referri solet: gravidis enim primis præcipue gestationis mensibus vomitus familiarem esse, vel vulgo notissimum est, qui oriri præcipue videtur, quoniam in plerisque utero gerentibus sanguinis menstrui excretio cessat, qui tamen ab Embryone parvulo non potest absumi, hinc necessario debet fieri plethora, quæ vasa ventriculi ut & viscerum abdominalium
ex.

extendit, ipsis extensis dolorem creat, & sic has partes in convulsiones irritat, hinc ille vomitus circa quartum mensem plerumque cessat, quoniam plethora absumitur in nutrimentum grandioris tum facti foetus. Eadem ratio videtur esse cur sæpe puellæ a suppressione mensium, ut & viri a cessatione fluxus hæmorrhoidalis vomitu vexantur.

§. XXII. Datur & vomitus criticus maxime salutarius, quando natura materiem morbosam, in quibuscunque corporis partibus existentem, prægressa coctione præparatam, in ventriculum & intestina deducit, quo inde se per superiora levare possit, ut observant Practici circa dies criticos in febribus acutis, ut & intermittentibus, aliisque morbis.

§. XXIII. Visis præcipuis causis remotis, breviter percurramus ea, quæ vomitu rejiciuntur, ut sunt ingesta quocunque sub titulo, saburræ ab ingestis non bene assimilatis relictæ, quales sunt glutinosæ, acidæ, putridæ rancidæ, biliosæ; saliva, mucus oris partiumque vicinarum, faucium, oesophagi; subtilis humor ex arteriolarum in iis locis exhalantium finibus emissus; liquor gastricus in ventriculo semper præsens, ex ultimis arteriarum gastricarum finibus in ejus cavum apertis secretus; humor lentior, mucosus in glandulis gastricis separatus, & in ventriculi cavum excretus. His adde morbosa quæcunque, ut sanguinem, materiem purulentam, saniosam, gangrænosam, cancrösam, vermes, lapillos &c. in ventriculo præter naturam constituta; hæc naturaliter vel etiam præ-

præternaturaliter in ventriculo præsentia in vomitu incipiente & leniori plerumque excerni solent, si vero idem sit violentior, diutius continuatus, contenta intestinis tenuibus ventriculo præsertim proximis, eo deferri videntur, & expelli, quæ sunt ingesta actiones manducationis, ventriculi, & intestinorum passa, mixta humoribus ibi naturaliter præsentibus, qui sunt liquor entericus, ex finibus vasorum arteriosorum exhalantibus, emissus; humor glutinosus ex glandulis Peyerianis separatus, & in cavum intestinorum excretus; humor ex Pancreate notabili quantitate per ductum Wirfungianum in duodenum insertum, depromptus; bilis cystica, hepatica, per ductum cholidochum in duodenum patentem, qui tres humores in Vomitu vehementi, protracto, insigni quantitate excernuntur. Quibus adde morbosa quæcunque in intestinis contenta, ut sanguinem, pus, faniem, ichorem gangrænosum, cancrosum, vermes similiae animalcula, lapillos &c. Fæces ex ipsis intestinis crassis nonnunquam Vomitu ejectas, quin & enemata, & suppositoria ano immissa, observant plurimi practici. vide *Celeb. Sydenh. p. m. 75. § p. 208. River. L. 10. Cap. 2. p. 294.* licet valvula Tulpiana ad finem Ileii posita, ita constructa, ut materiæ fæculentæ ex ileo in saccum cæci egressum concedat, regressum impediat, obstare videatur; sed in illis casibus illa valvula videtur fuisse aut relaxata, aut superata.

C

§. XXIV.

XXIV. Quum autem ventriculi & intestinorum tunicae in vomitu convellantur, hinc glandularum viscidus humor uberius fecernitur, emungitur, humores ex arteriarum finibus, in eorum cavum apertis, largiori quantitate excernuntur, & siquidem, per alternatim repetitas muscutorum abdominalium contractiones convulsivas, viscera abdominalia quam maxime premantur, concutiantur, agitentur, hinc humores in iis majori copia fecernuntur, & in intestina derivantur, unde liquores pancreatici, & hepatici, & humores ex visceribus abdominalibus, sese in hepar evacuantibus, maxime emungi possunt. Hinc structurae & actionum corporis gnaris ratio maximae per vomitum violentum quantitatis ejectorum non latet.

§. XXV. Præter effectus evacuatorios, quosdam ex præcipuis nostro scopo accommodatos adjungemus, inter quos occurrunt motus sanguinis auctus, quod pulsus auctus, calor, sudoris expressio docent. Quandoque rubor, tumor oculorum, faciei, capitis, vertigo, sensuum obnubilatio, imo & Apoplexia Emesi fortiori superveniunt, quæ oriri præcipue videntur ab Aorta, & Vena Cava ascendente per convulsiones abdominalium (si vehementissimæ fuerint) nimis compressis, unde sanguinis versus inferiora iter ob majorem resistenciam maxime impeditur, hinc cruor per carotides externas, & internas, majori copia & impetu propellitur, unde vasa in externis conspicua valde implentur, distenduntur, hinc tument, rubent: vascula autem capitis & encephali repleta distenduntur,

tur, tument, & cerebri substantiam nervosam comprimunt; hinc spirituum motum impediunt, turbant, & sensuum obnubilationes, immo & Apoplexiam inducunt; quandoque cerebri vasa adeo distenduntur, ut rumpantur, liquida effundant, quæ compressione Apoplexiam funestam inferunt. Non raro vehementiori vomitui junguntur cordis palpitationes, animi deliquia, sudores frigidi, ob tantam cordi resistantiam, per compressionem arteriæ aortæ natam, ut se evacuare non possit, hinc ejus palpitatio, animi deliquium, ejusque effecta. Violentiori vomitui superveniunt haud raro convulsiones aliarum partium, passio iliaca, hernia. Inter effectus vomitus pertinacis recensentur atrophia, debilitas, acrimonia alcalescens, siccitas, & quæ hinc sequuntur: si enim continuo ingesta rejiciuntur, fieri non potest, quin ob humorum assimilatorum jacturam, & defectum materiæ nutrititiæ, corpus fiat atrophicum, emarcidum, exsiccum, humoribus concilietur acrimonia alcalinæ proxima: effectus enim nostræ naturæ est humoribus alcalescentiam, tanquam notam animalitatis characteristicam, imprimere; hinc si hæc valide pergat, nec humores diluantur, demulceantur per novam chylousam, blandam materiem, illa alcalescentia quam maxime augebitur, & alcalino proxima evadet, cujus effectus vide apud *Boerhaavium in capite de morbis ab alcalino spontaneo Aphor. 85. § 86.*

§. XVI. Diagnofis vomitus, cum sponte pateat, ipsi explicandæ superfedere possumus, hinc ad signa caufarum remotarum transimus, quibus si-

mul jungermus prognosin & curam, ne eadem repetendo B. L. molesti simus.

§. XXVII. Vomitus a causa (§. II. No. I.) ex relatione ægrorum patet, bonæ notæ est, nec statim sistendus, sed sibi committendus, quoniam hac ratione omne, quod molestum ventriculo, & cruditates producere posset, via breviori expellitur; nec quicquam ad curationem requiritur, quam ut, si non sufficiens sit, irritatione faucium leniori, aut ingestâ tepidâ mellitâ, salitâve promoveatur: vomitu autem facto gratiora acida, austriuscula, ut & aromatica spirituosâ exhibeantur, ut nausea aliquando permanens tollatur, ventriculi fibræ debilitatæ roborentur. Eadem fere obtinent in vomitu a causa (No. II.) indicatâ, nisi quod paulo potentius Emeticum, ut radix Ipecacuannæ, folia Afari, aut simile aliud, aliquando sit ingerendum, ut omne crudum expellatur.

Si autem Venena (No. III.) in causa sint, hoc innotescit Medico ex ægrorum adstantiumve relatione, vel conjicitur ex symptomatibus sævissimis concomitantibus, absque manifestâ causâ productis. Quodnam autem venenum assumptum sit, investigandum, ut antidotum, si habeatur, possit exhiberi. si autem Toxicum ingestum nec notum sit, aut ars nullum suppeditet antidotum specificum, conducit oleosa blandissima, mucilaginosâ, demulcentia, diluentia, magna copia successive ingerere, ut venenum, quantum fieri possit, mitigetur, diluatur, obtundatur, obvolvatur, expellatur: quin & Vomitorium promptissimum, ut est vitrio-

vitriolum album, in initio dare in multis casibus summæ utilitatis est, ut sic venenum quantum possit celerrime & integre evacuetur.

Ab hac causâ vomitus dubii & mali præfagii est. Periculi tamen magnitudinem determinant major minorque assumti toxici quantitas, major minorve vis deleteria, ejus longior aut brevior in corpore mora, violentia & multitudo symptomatum concomitantium, varia ægri temperies, constitutio.

§. XXVIII. Vomitus ex saburra glutinosa (§. 12. No. 1.) dignoscitur a causis antecedentibus ibi citatis, ex rejectione materiæ pituitosæ, glutinosæ, ex symptomatibus & signis prægressis, ut sunt prostratio appetitus lenta absque febre, gravitas, oppletio regionis epigastricæ, sensus repletionis, lingua, os, fauces pallidæ, lentore obductæ, alvus tarda, tumens, quibus si accedant pallor, frigus, gravitas corporis, reliquaque glutinosi spontanei signa, nullum dubium superest. Ex hac causa ortus vomitus plerumque proficuus est, si quidem ejiciat materiem morbosam, copîa & qualitate, peccantem, molestam; unde & ægri levamen maximum inde plerumque persentiscunt. Hinc patet minime esse sistendum, sed potius per diluentia maritata saponaceis, incidentibus, resolventibus, quin & Emetica paulo potentiora adjuvandum, ut materies peccans eo melius educatur. Quum autem facile recidiva oriatur, ob debilitatem solidorum, inertiam bilis, humores lentiores, in ægris pituita laborantibus, obtinentes, ea exhibenda ex fonte Diætetico, quæ facilis concoctio-

nis, & glutini adversa sunt, ut cibi potusque bene fermentati, aromatibus & sale conditi, jura non nimis consummata, ut & carnes animalium agili-um: vitanda leguminosa, viscosa, farinosa non fermentata, dyspepta. Ex fonte Pharmaceutico subministranda ea, quæ humorum lentorem solvere, attenuare, inertiam bilis corrigere, aut ejus vices quodammodo supplere, solidorum laxitatem tollere, & amissum tonum restituere valent: quibus jungendus corporis motus per ambulationes, vectiones in rheda, equo, exercitia varia. Causa (No. 11.) dignoscitur ex diæta prægressa, ex acidis acescentibusve in corpore ob quamcunque causam debili, laxo, dein ex labiis, gingivis, lingua, ore pallidis, ructibus acidis, stuporem dentibus sæpe inferentibus, cardialgia cum sensu frigoris, fame aucta. Hic autem vomitus aliquantulum sibi committendus videtur, quo irritans materia evacuetur; si vero nimias turbas & spasmos producat, per diluentia & oleosa infringere, obtundere, sæpe expedit, ut violentiora symptomata mitigentur, præveniantur: sedato impetu & materie pro parte expulsa, convenit materiam ulterius per absorbentia terrestria, absorbentia metallica, immutantia acidum, ut sunt salia alcalina tam fixa, quam volatilia subigere, in quorum tamen exhibitione prudentia requiritur, ut modica dosis tantum exhibeatur, alias hæc acido occurrentia nimiam effervescentiam, hinc spasmos, dolores, inflationes, tormina sævissima excitant. Porro

Porro caussæ acido ansam dantes vitandæ, corrigendæ, auferendæ. Hinc victus sit ex alcalescentibus, tam ex regno animali, quam ex vegetabili desumptus: medicamenta ingerantur, quæ viscera chylopoietica, ut & omnia solida corroborant; quibus simul corporis motus jungendus. Ubi autem infantes vomunt ob saburram acidam & materiem caseosam acrem, noscitur ex prægressis ructibus acidis, flatibus, borborygmis, fæcibus viridibus, materie caseosa viridescente sursum ejecta. Hic vomitus sæpe funestus in infantibus, quoniam dirissimæ convulsiones, Epilepsiæ, & pessima quæque symptomata sæpe junguntur. Annitendum autem ut acrimonia acida vel obtundatur per oleosa blanda, vel per absorbentia terrestria parcâ dosi, sæpius repetita, & coagulum resolvatur per saponacea artificialia, biliosa, ut bilem lupi piscis, anguillæ, similiūve, resolutum expellatur per purgantia simul roborantia. In hunc finem Practicis familiare est infantibus exhibere Mixturas ex aq. Carmin. additis lap. 69, corall. rubr. Sapon. Venet. & Rhabbarbarinis, vel similibus.

Qui vomitus a saburra biliosa acri putrida (No. III.) oritur, noscitur ex diætâ antegressâ ex alcalescentibus, calidis, temperie biliosâ, calidâ, ructibus nidorosis, amaris, græveolentiâ putridi, fordibus oris, linguæ, palati, faucium putridis, amaris, horrore adversus carnes, ova, pisces, pingua, appetitu acidorum, frigidorum, rejectione materiæ biliosæ putridæ amaræ, vario modo corruptæ, citrinæ, porraceæ, æruginosæ, isatodeos.

Ab

Ab hac causa vomitus sæpe pertinax jungitur febribus continuis, præsertim putridis. Vomitus autem hic facilioris vel difficilioris prognoseos est, pro materiæ quantitate & corruptionis gradu majore aut minore, faciliori vel difficiliori evacuatione. Quod curam attinet, vomitus hicce si nullam topicam inflammationem in visceribus, aut nullam læsionem cerebri similesve morbos pro causa agnoscit, si non sit sufficiens, promoveri debet per Emetica leniora, ut oxymel scilliticum, radicem Ipecacuannæ, observatis observandis, quo saburra acris putrida evacuetur, a qua expulsa ægri plerumque levamen symptomatum sentiunt. Ingerenda quoque quæ bilis acrimoniam corrigunt, ut sunt salia neutra, nitrosa, acida; acido austera gratiora, acida ex succis horæis pressis, eorum rob, conditis; acida ex fossilibus igne producta, aquosis diluentibus mixta. Quibus peractis vomitus plerumque tollitur: si vero nausea & vomitus nimis urgeant, prioribus illis acidis opiata prudenter addere quandoque non abs re erit, observatis observandis, ut & externe applicare Epithemata ex reficientibus acidis, addita parca lenioris aromatis, & narcotici quantitate. Ad vomitum sedandum multum Riverio laudatur succus citri cum sale absynthii mixtus, sub actu effervescentiæ epotandus.

Causa (No. iv.) dignoscitur ex signis morbi atrabiliarii prægressis, dein ex materia atrabiliaria picea ejecta. Hujus prognosis variat pro tenacitate, copia in corpore, acrimonia & motu materiæ

riæ

riæ majoribus, minoribus, ita ut si materiæ minor copia in corpore adsit, ejus sit minor tenacitas, minor acrimonia, & minor motus, prognosis melior sit; si autem atrabiliaria hæcce materies vomitu ejecta piceam ostendat tenacitatem, junctam acrimoniæ summæ pessimus eventus est, siquidem tunc cum teterrimis symptomatibus jungi solet vomitus; & ad mortem durare. Quantum ad curam relegabo L. B. ad Cel. *Boerhaavii Aphor. in capite de Melancholia.*

Vermes (No. v.) in causa esse conjiciunt Practici ex prægressis titillatione, frictione narium perpetua fere, morsus & arrosionis sensu circa regionem epigastricam, post ingestum cibum plerumque minuto, nausæa subito ortâ & sæpe improvise recurrente, pallore, emaciatione, debilitate, pulsu exili, intermittente, animi deliquiis, convulsionibus, insultibus Epilepticis, horrida in somno expergescentia, fame auctâ cum alvi nunc fluore, nunc adstrictione, ventris inflatione, & quæ plura sunt lumbricorum signa. Quantum ad curam, vomitus hujus curatio radicalis non datur, ut facile unicuique patet, nisi vermes per Antihelmentica, vario modo intus & extus exhibita enecentur, aut expellantur. Vomitus hic majus vel minus periculum portendit pro copia, magnitudine vermium, symptomatum junctorum, prægressorum violentia.

Vomitus ex causâ (No. vi.) allegatâ noscitur ex dolore tensivo, pungente circa regionem Epigastricam prægresso, ejecto per vomitum, cum fa-

D

tis

tis magna anxietate, sanguine, varii coloris & consistentiæ, prout diutius stagnaverit & majori copia effusus fuerit. Quoad Prognosin est periculosus; prout tamen majori copia effunditur sanguis, prout vel vas majus vel minus sanguinem emittit, prout causæ præcedentes graviores vel leviores sunt, eo præsagium benignius vel deterius ferendum. Ad curationem obtinendam sanguinis effusio sistenda, vasorumque apertura claudenda, & ad consolidationem perducenda: dein causæ speciales removendæ, sanandæ. Ad sanguinis effusionem sistendam V. S. revulsoria, pro necessitate repetenda, plerumque conducit; nec non ligaturæ membrorum ex arte institutæ, cucurbitulæ aliis partibus applicatæ, similiaque revellentia in usum vocari possunt. Externe autem regioni Epigastricæ imponenda adstringentia, interne exhibenda emplastica, leniora adstringentia, traumatica, & urgente necessitate opiata, quibus prudenter exhibitis, interpositis balsamicis, consolidatio vasorum molienda. Cautelâ autem hic opus, ne multum sive alimenti sive medicamenti simul ingeratur, quoniam tunc ventriculus, adeoque vasa ejus extenduntur, & ad solutionem continui facile perducuntur. Sanguinis effusione sublata, clysmata ex Eccoproticis injicienda, ut & lenissima Eccoprotica ore exhibenda, ut sanguis in primis viis effusus expurgetur; aliter enim stagnando putresceret, & pessima symptomata produceret. Causæ autem vasorum solutionis inquirendæ, & pro suo genio curandæ.

§. XXIX. Si ventriculi inflammatio (§. 13.) in
caus-

caussa sit, noscitur ex dolore ardente, pungente, lancinante, fixo in ipso ventriculi loco, aucto maxime ipso momento, quo aliquid ingeritur, vomitu acutissime dolenti statim ab omni ingesto, cum singultu dolorifico, anxietate summâ & perpetuâ circa præcordia, febris acutissimâ continuâ, ejusque symptomatum catervâ. Prognosis hic tristissima, quoniam hujus vomitus causa perniciosissima. Nulla hic medela superest, quam ut inflammationem resolvere omni ope conetur Medicus per validam sanguinis missionem, pro necessitate sæpius repetendam, medicamenta emollientia, antiphlogistica lenissima, successive parcissimâ copiâ ingesta, ne ventriculus distendatur; per applicata Emplastra, Cataplasmata, Epithemata emollientia, nitrosa, antiphlogistica, Enemata similia, sæpius in die injecta. Hic autem cane & angue pejus vitanda quæcunque acria & vomitoria, hæc enim citissime mortem hic inferunt.

Si autem inflammationi non resolutæ succedens suppuratio & abscessus ventriculi, causa est, noscitur ex inflammatione prægressa non resoluta, supervenientibus suppurationis signis, dolore ab ingestis aucto, vomitu materiæ purulentæ non diu a pastu, emaciatione, atrophia & febre hæctica.

Prognosis hic dura, quoniam ulcus ventriculi, nisi sit parvum, recens, & superficiale, vix curam admittit, & nisi sanetur, vomitus cum atrophia, lenta consumptione corporis, & febre hæctica, eo ægros deducit, unde neminem redire ajunt. Si abscessus clausus adhuc est, ejus maturatio & ruptio

versus ventriculi cavum per emollientissima procurandus, rupto autem eo tractandus, ut alia interna ulcera; solummodo notaverim, victum hic debere esse tenuissimum, lenissimum, detergentem, parcissima copia simul ingerendum, potum similem, uti jura carnum tenuissima, alterata herbis vulnerariis lenioribus, decocta oryzæ, hordei, panis, lac, serum lactis, cum melle simplici, melle rosaceo, similibusque edulcorata. Medicamenta autem sint ex herbis vulnerariis, balsamicis lenioribus, abstergentibus, consolidantibus, aquis ferratis. Si autem vomitus hicce nimis sæviat, opiatis moderandus.

Si autem scirrhus ventriculi in causa sit, noscitur ex prægressis ejus causis, ut est inflammatio ventriculi prægressa, absque resolutione, suppuratione sine bonis signis cessans, remanente sensu ponderis, tanquam si lapis ibi positus foret (ut ægri se exprimere solent), ab ingestis ventriculus moleste afficitur, dolet, nausea & vomitus sequitur sæpissime. Quoad prognosin; vomitus hicce chronicus & pertinax est, mala plurima prædicit, & metum futuri canceri incutit. Cum scirrhus internus curam vix, ac ne vix quidem admittat, omni ope saltem annitendum, ut ejus incrementum impediat, & quæcunque causæ scirrhum in cancrum convertentes vitentur, præveniantur, quæ ex historia eorum morborum petenda; vide *Boerhaavii Aph. in Capite de scirrho*. Notabo solummodo, quæcunque nimis acria, nimis moventia, irritantia, hic quam maxime nocere; si quidem hæc scirrhum

benignum in cancrum horrendum mutant. Infelix ægrotorum scirrhis internis laborantium conditio sæpe est, si sese curæ ignorantium medicastro- rum committunt, quippe horum plerique ausibus te- merariis quosvis morbos curandos suscipiunt, eos- que remediis violentissimis, ut drasticeis purganti- bus, emeticis violentissimis, sæpissime tractant; si jam scirrhi interni lateant, ut sæpe contingit, pes- sima & funesta oriuntur mala ab his cancro- sis red- ditis per remedia illa acerrima, summe moventia. Quantum ad victum in scirrho ventriculi, hic sit mitissimus, lenissimus, eupeptus, parca copia si- mul ingerendus. Si autem vomitus hicce urgeat, narcotica exhiberi possunt ad hunc moderandum, & pejora symptomata præcavenda.

Si autem ex dolore lancinante, pungente, urente, scirrhum occupante, maxime aucto, simulac quid ingeritur, insequente statim vomitu, cancri præ- sentia pateat, anguis latet in herba, & magna ma- lorum caterva expectanda est: si autem ex hisce adhuc auctis, & materia ichorosa, cancro- sa, acer- rimâ, foetidâ, cadaverosa rejecta, cancrum ulcera- tum esse constet, Prognosis tristissima, cum ma- lum eousque profectum ipsius Apollinis opem respuat. Ad vomitum & sævissimos cruciatus le- niendos blanda & demulcentia, motum sedantia, & narcotica exhiberi possunt.

Ubi autem gangræna & necrosis vomitum pro- ducit, noscitur ex prægressis causis, ut inflam- matione ventriculi omnium acutissimâ, in qua symptomata subito sine causa & bonis signis ces-

fant, pulsu existente parvo, celeri, intermittente, frigore extremorum, sudore frigido, ejectione per vomitum materiæ ichorosæ, lividæ, atræ, cadaverosæ. Hunc autem Vomitum mortis instantis nuncium esse, neque ulla arte curabilem, nisi forsan per demulcentia & narcotica parum leniendum, facile patet.

§. XXX. Ubi autem Vomitus oritur a materie contagiosa (§. 14.) noscitur ex signis horum concomitantium morborum. Prognosis mala est, siquidem delassat, nihilque levaminis ægris plerumque affert. Quod curam attinet ea quæ emolliunt & vias lubricant in initio exhiberi possunt, præsertim si viæ primæ cacochymia obsessæ fuerint: acria autem emetica hic vitanda, quoniam stimulus fatis magnus adest, & dispositio inflammatoria, immo & inflammatio ipsa sæpe præfens contraindicet. Cura autem fit per ea, quæ vel venenum domare, vel versus superficiem corporis determinare, excretiones exanthematicas promovere valent: quæ genio eorum morborum sunt accommodanda, & ex historia eorum petenda sunt.

§. XXXI. A materia Podagrica (§. 15.) retentâ, aut ab eadem repulsa, & in ventriculi vasa deposita, Vomitus orti prognosis dubia. Ad hunc curandum, Medicus omnem navare debet operam, ut expellat materiem podagricam in membra & loca consueta, per femoribus oppositos synapismos, vesicatoria, ipsis locis, dolere assuetis, fomenta aromatica salina tepida, & similia attrahentia,

tia, interne autem exhibita Diaphoretica, per motum corporis & similia.

§. XXXII. Si autem pylorus multum angustatus, vel & plane occlusus, a causis (§. 16.) citatis, vomitum producat, causam vix, nisi conjiciendo, assequitur Medicus, ex vomitu continuo nunc breviori nunc longiori a cibis sumtis intervallo, absque causa manifesta, nulli remedio cedente; ex conjuncta debilitate, atrophia, emaciatione, alvi excrementis sensim sensimque paucioribus ejectis, imminutis, & tandem vix intra mensem emissis. Prognosis hic dura; quoniam hic ex atrophia & nutrimenti defectu mors expectanda. Quod curam attinet, illa consisteret in ablatione causarum obstruentium: sed quum causæ hæ vix cognoscuntur, immo si jam notæ essent, curabiles non sunt, saltem rarissime, patet curæ difficultas; Medicus tamen adhibere poterit ea, quæ causis contraria sunt. Ingerantur tantum cibi liquidi, omnium facillime digestiles, & ita fere præparati, ut actiones corporis facere solent, parcissimâ, sed sæpe repetita manu, injicienda clysmata nutrientia, applicanda corpori fomenta, balnea ex nutrientibus conflata, ut, quantum possit fieri, corpori nutrimentum subministretur, & æger sustineatur.

§. XXXIII. Vomitus autem ortus ex causis irritantibus, morbisque in aliis locis hærentibus, ventriculum in consensum rapientibus, (§. 17, 18, 19.) indicatis, noscitur ex signis horum morborum concomitantium: prognosis sequitur horum morbo-

morborum periculum, genium. Cura autem dependet ab ablatione & sanatione eorum morborum, quæ ex historia eorum petenda est: hæc enim singulatim percurrere nimis longum & a scopo alienum foret: notaverim solummodo, quod, si remotio causarum vel non, vel non satis cito fieri possit, Vomitu urgenti occurrendum sit prudenter, nunc demulcentibus, anodynis, narcoticis, antispasmodicis, nunc stomachicis roborantibus, prout morborum concomitantium conditio fert.

§. XXXIV. Vomitus, qui (§. 20.) oritur a Paroxysmis Hystericis, Hypochondriacis, sibi parumper relinquendus, si saburra in primis viis adsit & hanc viam affectet; cæterum vero per Antihysterica, opiata, stomachica roborantia intus, extus exhibita compescendus, quod plerumque succedere solet. Si vero vomitus biliosus superveniat animi pathematibus calidis, exulare debent acria purgantia & emetica, siquidem inde effecta funestissima producantur, ut *Cl. Hofmannus* docet in *Opusc. Med. Pract. Dec. 2. Dissert. 6.* Ad hunc autem sedandum præscribenda ea, quæ bilis acrimoniam corrigere, demulcere valent, qualia sunt mucilaginosæ, oleosæque, diluentia, nitrosa, acida tam ex vegetabilibus, quam ex mineralibus, diacodiata; Eccoprotica autem ex rhabarbarinis, cassia, tamarindis &c. ad bilem per inferiora leniter evacuantur conveniunt. Si vero agitationes infuetae in causa fuerint, illis cessantibus & vomitus cessare solent,

solent. Verum ad eum præcavendum, vel & moderandum, conveniunt ea, quæ fibras roborant, spirituum motum in ordinem ducunt, hinc haustus frigidaë, usus acido austerorum gratiorum, spirituosorum, aromaticorum, stomachicorum roborantium, ut & opiatorum.

§. XXXV. An autem causa adsit (§. 21.) descripta, difficile est dignoscere: plura tamen concurrentia graviditatis signa hoc probabile reddunt. Quoad prognosin; practici notant imprægnatas vomitum huncce, si modum non excedat, plerumque facile ferre: si vero nimis violentus & sæpe repetitus sit, metum incutit, ne ob inopiam novi chyli, humoribus cacochymia, & ob hanc, ut & ob concussiones validas, abortus producat. Si ergo vomitus hi primis mensibus nimis violenti fuerint, plethora adsit, mulierque multum cruoris menstrui evacuare solita fuerit, v. s. in brachio, prudenter instituenda. Diæta sit tenuis, refrigerans; imperanda quies animi & mentis; veneris usus suspendatur, vel saltem parcissimus sit. Medicamenta sint temperantia, blanda.

§. XXXVI. Vomitus criticus noscitur ex signis coctionis & criseos prægressis, insequente circa dies judiciales evacuatione materiæ morbosæ, cum euphoria, symptomatum levamine, morbi solutione. Hicce vomitus optimi præsagii est, & quoad curationem nihil requirit, quam ut viæ lubricentur, emolliantur diluentibus saponaceis;

E

quo

quoniam natura hoc in casu plerumque sibi sufficit. En B. L. qualemcumque dissertatiunculam eo scopo conscriptam, ut Legibus Academicis obedirem: in qua si quæ bona, hæc clarissimis Professoribus, eorum, ut & optimorum auctorum scriptis, accepta refero; si quæ male interpretata, omissa, ea mutare, supplere velis, etiam atque etiam rogo.

F I N I S.



ANNE-

A N N E X A.

I.

Emeticum in acutarum februm initio, observatis observandis, sæpe est summe necessarium.

I I.

Vomitum vomitu curare generaliter non procedit.

I I I.

Morbum variolosum per methodum generalem antiphlogisticam absque suppuratione posse curari, nondum firmiter demonstratum videtur.

I V.

Corpora confortant balnea, Bacchus, amor.

A N N E X A.

THESE ARE THE
REMARKS OF THE
COMMISSIONERS OF THE
LAND OFFICE, IN
ANSWER TO A
RESOLUTION OF THE
HOUSE OF COMMONS,
PASSED IN 1791,
RELATIVE TO THE
LANDS BELONGING
TO THE CROWN.

I.

THESE ARE THE
REMARKS OF THE
COMMISSIONERS OF THE
LAND OFFICE, IN
ANSWER TO A
RESOLUTION OF THE
HOUSE OF COMMONS,
PASSED IN 1791,
RELATIVE TO THE
LANDS BELONGING
TO THE CROWN.

II.

THESE ARE THE
REMARKS OF THE
COMMISSIONERS OF THE
LAND OFFICE, IN
ANSWER TO A
RESOLUTION OF THE
HOUSE OF COMMONS,
PASSED IN 1791,
RELATIVE TO THE
LANDS BELONGING
TO THE CROWN.

III.

THESE ARE THE
REMARKS OF THE
COMMISSIONERS OF THE
LAND OFFICE, IN
ANSWER TO A
RESOLUTION OF THE
HOUSE OF COMMONS,
PASSED IN 1791,
RELATIVE TO THE
LANDS BELONGING
TO THE CROWN.

